



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Deinde Bononiam.

urn:nbn:de:hbz:466:1-41515

Sed tandem, quia Ignatius omnino iusserat Tridento proficiisci, Cardinali quoque assentiente, discessere ambo tertio die Paschæ: Patauiique aliquot dierum mora ducta, Bononiam tandem concessere. Hic Canisius & inter Theologos sententiam dixit: & quia Cardinales Concilij praesides quæcunque Tridenti, ac Bononiæ tractata de Sacramentis erant, iusserant Lainum, ac Salmeronem colligere, disputationesque inde pulcherimas in ordinem, ac viam ipsi redegerant, idem iis disputationibus stylo politiore complectendis, exscribendisque (nam & characteribus scribebat cum quadam dignitate clarissimis) plerumque temporis impendebat magno sanè labore, sed non minore voluptate, studioque obtemperandi, ac famulandi iis, quos tanto, quam se utiliores publicè existimabat. Cum deinde Concilium non procederet, cum Lainio Ignatij iussu Florentiam, inclinato Iunio; inde Romam, ubi primum fracta ætas permisit accessum, venit.

Haud difficile cogitatu est, quanta exultantis animi pietate Parentem Societatis Ignatium conspexerit, ad eius se se prouoluerit pedes, tum paternum amplexum exceperit: qua deinde submissio-

*Deinde Bo-
noniam.*

Romā venit.

